



*Bli  
Røde Kors  
Beredskapsgiver  
du også!*

Røde Kors i Odda, Tyssedal og Røldal set større fokus på å kunne hjelpe fleire, betre og raskare når beredskapssituasjonar oppstår i vårt område. **Vi treng di hjelp for å få det til.**

**Kan du gje oss litt,  
slik at vi kan gje deg  
mykje tilbake?**



**+** **Røde Kors**  
Beredskapsgiver



## Kva er ein Røde Kors Beredskapsgiver?

Du bidrar til å finansiere kompetansen og utstyret vårt, slik at vi betre kan hjelpe fleire. Du forpliktar deg ikkje til noko anna.

Er du medlem i Røde Kors betalar du berre kr 100,- per måned, kontingenten betalar du jo allereie. Som Røde Kors Beredskapsgiver vil du, nokre gonger i året, få litt info om Røde Kors. Du er då velkomen til å ta kontakt med di lokale Røde Kors-foreining for meir informasjon eller, om du har lyst, bli aktiv frivillig innan ein av våre aktivitetar.

**Som Røde Kors Beredskapsgiver stør du di lokale foreining sitt beredskapsarbeid med kr 100,- per måned over din mobilrekning, og kr 300,- per år i medlemskontingent (på eigen faktura). Det er alt.**

# Røde Kors Beredskapsgiver

Effektivt og godt beredskapsarbeid krev kompetente folk og mykje godt utstyr. Begge deler er svært kostbart, sjølv om dei frivillige i Røde Kors gjer alt arbeid gratis.

Difor håpar vi at du blir med på ein økonomisk dugnad. Som Røde Kors Beredskapsgiver stør du di lokale foreining med kr. 100,- per måned. Slik kan du gje ditt bidrag til at alle i nærområdet vårt er betre førebudd før krisa kjem, og veit meir om korleis dei skal klare å ta vare på seg sjølv og sine når krisa kjem.

Du bidrar også til at dei frivillige Røde Kors-mannskapa får meir og betre utdanning til å takle beredskaps-



situasjonar, og meir og betre utstyr til å hjelpe deg, dine og alle andre vi bryr oss om i vårt nærrområde.

### Kvifor Røde Kors Beredskapsgiver?

Erfaring har vist oss at kriser og beredskapssituasjonar kjem. Inntrykket vårt er at dei kjem oftare enn før og har større negativ verknad på oss enn før. Kriser og beredskapssituasjonar kan ha ulike årsakar. Vi snakkar oftare om ras, skred, flaum, storbrann, storm. Andre gonger kan viktig offentlig infrastruktur forsvinne. Vi har kjent på det også i våre nærrområde. Straumen kan bli vekke lenge, telefon, mobil og radio forsvinn. Fyrst opplever du det som irriterande, så vert du uroa, deretter opplever du situasjonen som krevjande og etter kvart kanskje også som ei krise. Forsvinn straumen over lang tid er det nesten ingen grenser for korleis ein fort blir råka. Korleis held vi oss varme? Korleis varsle om nokon vert alvorleg sjuke eller skadd, når telefonsystema ikkje verkar? Kva skjer med forsyninga av drikkevatt og matvarer?

**Bli Røde Kors Beredskapsgiver du også!**



### Di lokale Røde Kors-foreining tek ansvar i kriser

I det daglege er det offentlege myndigheiter, ofte i samarbeid med private leverandørar som sørger for at det vi alle treng blir tilgjengeleg for oss, men når ein beredskapssituasjon skjer blir alt forandra. Nesten alltid er det raskt behov for mykje fleire folk i innsats enn dei som til dagleg jobbar med slikt arbeid. Då trer frivilligheita inn. Då er det medlemene i frivillige organisasjonar som rykker ut og stiller seg til disposisjon for det offentlege leiingsapparatet og medverkar til at det er

fleire å spele på. Røde Kors er den største frivillige beredskapsorganisasjonen i Norge. Vi har lokale Røde Kors-foreiningar overalt der det bur folk. Her i ditt område også.

Når noko uønska skjer, tek politiet eller den kommunale leiinga kontakt med Røde Kors og skildrar situasjonen og behovet. Røde Kors har egne varslingsplanar og dei frivillige medlemene rykker ut. Alle i Røde Kors kan fyrstehjelp og psykososial fyrstehjelp. Mange i Røde Kors er gode på å bidra



**Bli Røde Kors Beredskapsgiver du også!**

Send **TRYGG** på SMS til **2272**

i operative situasjonar der liv og helse står på spel. Andre i Røde Kors er gode på å ta vare på folk i utsette livssituasjonar, ei hand å holde i og ei skulder å stø seg til når alt ser svart ut.



**Røde Kors**  
Beredskapsgiver

Send  
**TRYGG**  
på SMS til  
**2272**

## Beredskapsgiver i Odda Røde Kors



I Odda har vi saman måtte takle mange beredskapssituasjonar dei siste åra, og fleire vil det truleg bli i tida som kjem. Vi har måtte takle flaum med store konsekvensar.

Vi har måtte takle ras med stor fare og ulemper for oss alle. Vi har måtte takle skred, både her i sentrum og omkring i kommunen. Skred tar liv, gjer stor skade og skapar frykt.

Blir du Røde Kors Beredskapsgiver i Odda vil vi bruke inntektene til opplæring, utstyr og øving. Samtidig vil vi auke fokuset vårt på førebyggjande arbeid. Heilt konkret vil vi bruke pengar på å oppgradere og utvide vårt rednings- og beredskapsutstyr. Noko av det vi har er gammalt og det kjem stadig nytt og betre materiell som let oss gjere jobben betre, raskare og tryggare. Vi skal forsterke vår kapasitet innan omsorgsfeltet, slik at vi betre kan bidra overfor dei som er pårørande og dei som til dømes må evakuerast i beredskapssituasjonar. Vi skal også gje born og unge i kommunen eit tilbod om å lære korleis ein tek vare på seg sjølv og andre når krisa skjer. Eg håpar alle i Odda vil hjelpe Røde Kors med å hjelpe alle her i vårt nabolag som kjem i ein vanskeleg situasjon når noko uventa skjer.

Beste helsing

**Svein Buer**

Leiar i Odda Røde Kors

Send  
**TRYGG**  
på SMS til  
**2272**

## Beredskapsgiver i Tyssedal Røde Kors



Både nær og fjern historie har vist oss at uønska hendingar skjer. Nokon gonger treff det nokre få, andre gonger treff det mange. Vi i Tyssedal Røde Kors vil bli

enda betre rusta til å bidra når behovet oppstår her hos oss.

Blir du Røde Kors Beredskapsgiver i Tyssedal vil pengane dine bli brukt til fleire viktige beredskapsformål. Vi vil kjøpe inn meir beredskapsmateriell og meir fyrstehjelpsmateriell til vårt lager her i Tyssedal. Vi vil vidareutvikle vår kapasitet på søk og redning i svært bratt terreng ved å investere i meir og betre utstyr, opplæring og trening.

Vi vil kjøpe inn meir og betre utstyr for søk og redning i snøskred og i vatn/elv. Vi vil også auke fokus på førebyggjande aktivitetar, særleg retta mot born og unge i alderen 6-17 år, slik at dei lærer seg å unngå farlege situasjonar og veit kva dei skal gjere om dei opplever ein.

Eg oppfordrar alle i Tyssedal, og alle andre som vil støtte oss, om å bli Røde Kors Beredskapsgiver.

Beste helsing

**Knut Atle Øyre**

Leiar i Tyssedal Røde Kors

Send  
**TRYGG**  
på SMS til  
**2272**

## Beredskapsgiver i Røldal Røde Kors



Her i Røldal er det ikkje lenge mellom kvar gong vi opplever ein uønskt situasjon. Vi har alltid vore gode på å hjelpe kvarandre, både fordi vi vil og fordi det er slik vi er. Det er rett og slett

heilt nødvendig når anna hjelp er langt unna. Røldal Røde Kors er ute på aksjon mange gonger i løpet av året. Nokre gonger hjelper vi enkeltpersonar, nokre gonger familiar og veneflokkar og andre gonger større grupper. Vår erfaring er at veldig mange gonger går det bra. Nokre gonger får situasjonen fatale konsekvensar, noko vi vil gjere alt vi kan for å hindre i framtida.

Blir du Røde Kors Beredskapsgiver i Røldal vil inntekta bli brukt til å rekruttera fleire til å verte frivillige i Røde Kors, vi vil gje alle meir og betre opplæring, sende folk på kurs omkring i landet og samla auke vår kompetanse på søk, redning og beredskap. Vi skal kjøpe inn meir og betre rednings- og beredskapsutstyr og vi skal vere klar til å hjelpe når behovet oppstår.

Enten du er innbyggjar i Røldal, har hytte her eller besøker oss ofte håpar eg du vil støtte oss ved å bli Røde Kors Beredskapsgiver.

Beste helsing

**Vibeke Lynghammer**

Leiar i Røldal Røde Kors

Vi treng di hjelp for å få det til.  
**Kan du gje oss litt, slik at vi kan  
gje deg mykje tilbake?**



**Røde Kors**  
Beredskapsgiver